

Inatsisartut suleriaasianni § 37, imm. 1 naapertorlugu Naalackersuisunut apeqquq imaattoq matumuuna saqummiuppara:

**Naalackersuisunut apeqquq:**

- 1. Naalackersuisut qanoq ammaffigisinnaatigivaat Tunumi qilalugartassat amerlinissaannut?**
  - a. Piniartut oqariartuutigisartagaat tusaaneqarnerulernissaat piniakkat pillugit Naalackersuisut piviusunngortinniarneqarpat?**
- 2. Nunatsinnilumi aamma sineriammi qilalukkat amerliartornerinik piniartut allat oqaluttut, pinngortitaleriffiup killormuanik oqalunerat Naalackersuisuniit tusaaneqarneruinnassarniarpat?**
- 3. Naalackersuisut piniartut nungusarniarnerpaat?**
- 4. Piniartut nungusagaaniangippata Naalackersuisut nunatta inuisa pingaartitaat aallaavigalugit avataaniit killilersuisunut sukanganerusementik avammut piumasaqaateqartalissanngilagut?**
- 5. Piniartunut atugassarititaasut pitsanngorsarnissaannik Naalackersuisut suliateqarpat?**
- 6. Inuit pisinnaatitaaffiisa ataani nunap inoqqaavisut pisinnaatitaaffigut Naalackersuisunit malinniarneqarnerpat?**

Inatsisartunut ilaasortaq Gerth Mikaelson, Naleraq

**Tunggavilersuutit:**

Ukiuni kingullerni nunatsinni ingammik Tunu tamakkerlugu piniartoqarfiusoq qangaaniilli, suli nungusarneqartuarnera avataaniit malugigaluttuinnalerparput.

Meeraanermiit ataatamit anaanamillu sila atorsaatillugu piniakkanik qamajartorneq ileqqorisarparput. Piniakkat killilersugaanngikkallarmatami piniakkanut angisuunut qamajartorneq ileqqoriarparput. Peqartillugulu pisaqartarluta.

Kalaalli nunatta avatangiisaanut naleqqusarnikuuvgut, uatsinnut kalaallinut pingaarutilik.

Nunatta sananeqaataa nunat allaniit allaanerujussuuvoq. Orpippassuaqanngilaq.

Naatsiivittut tamaat atorneqarsinnaanngilaq. Uumasut uagutsinnut timitsinnut naleqquttut uagut piniagassaraagut. Taamaattorli ullutsinni killilersuinerujussuup piniartuuniarneq artornarsigaluttuinnartutut inissinnera Naleqqami Inatsisartutut ilaasortatut akueriuminaattorujussuuvoq.

Piniartut tusaaneqarnerulernissaat qineqqusaarutaasimaqaaq. Taamaammat asuli oqalunnerussangippat timitaliinissaq pisariaqalerpoq. Piniartortagut tatigalugit iliuseqartarneq nunatsinnut naleqqunnerpaaq atorlugu aaliangiisarnerit ingerlattalerniarlik. Oqaluinnarlunimi iliuseqarnerunngilaq. Asuli neriorsuinerlunneruvoq.

Nunatta Piniartut namminersortutut isigivaat. Taatut isiginninnerup kingunerisarpaa inunnik isumaginninnerup tungaaniit bankiminngaaniillunniit allanillunniit susasaqartunit ikiorumaneqarneq ajorput.

Taamaammat suna tamarmik akitsoraluttuinnarnerisa nalaanni killilersuinerujussuaq Naalackersuisuniit akiorlugu nunatta Inuittut pisinnaatitaaffeqarneri ataqqiniarutsigu Inuit pisinnaatitaaffii ataqqillugit innuttatta atugai illersornerusariaqalerpagut.

Taamaangippat asuli oqalunnerussapput

Nunatta inui pingaartilluinnarlugit inissinniarta.

Avataaniit akimmisaartinneqarpallaarujussuarnerput akiorniartigu.

Taamatut inissittanngikkutta ammut isgisaaajuassuugut. Tamanna nunaqavissuulluni ajorluinnartuuvoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.